

UNIVERSITATI OXONIENSI

S. P. D.

UNIVERSITAS MACGILLIANA

MONTE REGIO IN PROVINCIA CANADENSI SITA.

Gratulamur vobis, doctissimi et amplissimi viri, quod mox adveniet dies anniversarius tercentesimus ex quo bibliothecam ACADEMIAE OXONIENSIS instauravit renovavitque THOMAS DODLEY; simul et gratia agimus quod, cum in animo haberetis memoriam eius pia observantia recolere, placuit nos quoque in partem numeris antecessime advocare. Quamquam enim adhuc apud nos artium fabrilium cultus magis fertur vigere quam studia humanitatis ac litterarum, nullus tamen in his terris est locus tam barbarus, nulla regio tam a consortio hominum litteratorum remota, quo fama praestantissimae vestrae bibliothecae non pervaserit: ut summo nobis sit gaudium quod NOSTRAM UNIVERSITATEM, amore litterarum scientiaeque iam pridem vobiscum consociatam, hoc tam laeto tempore quasi novo pignore artius coniungere voluistis. Optime enimvero desuis meruit vir ille liberalissimus, qui inter summas quas domi militiaeque adepta est laudes AETAS ILLI ELIZABETHAE oculos ad istud vestrum tam insigne doctrinae asylum convertit, regis potius quam privati hominis opus inchoaturus; optime etiam de nobis, ut quos post tanti temporis decursum videat haec aetas vobiscum et cum universis communis patriae civibus artissimis vinculis coniunctos; immo nemo fere est